

论藏名著选编

主编

李利安

正续

指月錄

〔明〕瞿汝稷 〔清〕聂先 集·谢锐 整理



● 西北大学出版社

伍



（正）（续）

指月录

论藏名著选编

主编·李利安

整理·谢锐

5

〔明〕瞿汝稷
〔清〕聂先集

西北大学出版社

图书在版编目 (CIP) 数据

正续指月录 / (明) 瞿汝稷, (清) 聂先集; 谢锐整理. — 西安:
西北大学出版社, 2004.11

(论藏名著选编/李利安主编)

ISBN7-5604-1986-0

I. 正… II. ①瞿…②聂…③谢… III. 禅宗—中国—古代 IV. B946.5
中国版本图书馆 CIP 数据核字 (2004) 第 115078 号

论藏名著选编

正续指月录

作 者: 明·瞿汝稷 清·聂先 集

整 理: 谢 锐

主 编: 李利安

出版发行: 西北大学出版社

地 址: 西安市太白北路 229 号

购书电话: 029-88302590 84337138

邮政编码: 710069

印 刷: 西安东江印务有限公司

开 本: 880 毫米 × 1230 毫米 1/32

印 张: 61

字 数: 1342 千字

版 次: 2004 年 11 月第 1 版 第 1 次印刷

书 号: ISBN7-5604-1986-0/B·51

定 价: 140.00 元(全五册)

新
学
社
PDG



2571 卷一十三下册六·五十卷

正续指月录

2571 目录五 二十三下册六·六十卷

2571 续指月录 二十三下册六·六十卷

续指月录 卷三十三下册六·三十卷

卷之七·六祖下二十三世 1591

临济宗·天目中峰明本禅师——曹洞宗·竹林巨川海禅师

卷之八·六祖下二十四世 1627

临济宗·婺州千岩元长禅师——曹洞宗·顺德弘明虚照禅师

卷之九·六祖下二十五世 1651

临济宗·苏州万峰时蔚禅师——曹洞宗·太保刘秉忠居士

卷之十·六祖下二十六世 1673

临济宗·苏州宝藏持禅师——曹洞宗·封龙古岩就禅师

卷十一·六祖下二十七世 1685

临济宗·杭州东明慧岳禅师——曹洞宗·白茅春庵主

卷十二·六祖下二十八世 1703

临济宗·金陵海舟永慈禅师——曹洞宗·广平实禅师

卷十三·六祖下二十九世 1735

临济宗·东明宝峰智瑄禅师——曹洞宗·嵩山万寿了改禅师

卷十四·六祖下三十世 1743

临济宗·荆门天琦本瑞禅师——曹洞宗·嵩山万寿契斌禅师

卷十五·六祖下三十一世·····	1755
临济宗·随州龙泉正聪禅师——曹洞宗·西京无方可从禅师	
卷十六·六祖下三十二世·····	1769
临济宗·北京笑岩德宝禅师——曹洞宗·嵩山月舟文载禅师	
卷十七·六祖下三十三世·····	1783
临济宗·龙池幻有正传禅师——曹洞宗·顺德金山宝禅师	
卷十八·六祖下三十四世·····	1799
临济宗·天童密云圆悟禅师——曹洞宗·顺德天然佐禅师	
卷十九·六祖下三十五世·····	1823
临济宗·汾山五峰如学禅师——建宁衡石钧禅师	
卷二十·六祖下三十五世·····	1869
曹洞宗·大觉慈舟方念禅师——尊宿集·徐州龙山量禅师	
续指月录尊宿集·····	1883

续指月录卷七

六祖下二十三世

临济宗

○杭州天目中峰明本禅师

钱塘孙氏子。母梦无门开老人。持灯笼至家而生。才离襁褓。便跏趺坐。能言即歌赞梵呗。凡嬉戏必为佛事。九岁丧母。年十五。求出家。阅传灯录。至庵摩罗女问曼殊。明知生是不生之理。为甚么却被生死之所流转。有疑。往参高峰妙和尚。妙孤峻严冷。不假人辞色。一见师欢然。许为祝发。诵金刚经至荷担如来处。恍然开发。后观流泉有省。诣妙求证。妙为打趁出。既而民间伪传选童男女。师问忽有人来要和尚讨童男女时如何。妙曰。我但度竹篦子与他师于言下洞彻法源。妙乃自题真赞付师曰。我相不思议。佛祖莫能识。独许不肖儿。得见半边鼻。

牧云门颂云

讹言日出古风沈。一问当前意自深。

却笑作家无眼力。真鍮换去好黄金。

或问妙诸弟子优劣。妙曰。如义首座。固是茎老竹。其如七曲八曲。惟本维那。却是竿上林新篁。他日成材未易量也。

师居无定所。或船或庵。咸名幻住。僧俗争相瞻礼。称江南古佛。

仁宗聘召不至。赐金襴袈裟。并佛慈圆照广慧禅师号。

师每斥学者但尚言说。不求实悟。乃曰。今之参禅。不灵验者。第一无古人真实志气。第二不把生死无常。当做一件大事。第三拌舍积劫以来积习不下。又不具久远不退转身心。毕竟病在于何。其实不识生死根本故也。凡见学者辄问曰。汝唤甚么作生死。或者茫然无对。或者谓生不知来。死不知去。是生死。师曰。直饶知得亦生死。所知亦生死。又或指一念忽起是生。一念忽灭是死。师曰。离一念起灭。亦生死也。是说皆枝叶耳。非根本也。夫根本者。性真圆明。本无生灭去来之相。良由不觉。瞥起妄心。迷失本源。虚受轮转。以故道迷之则生死始。悟之则轮回息。当知山河大地。明暗色空。五阴四大。至于动不动法。皆是生死根本。若不曾向真实法中。脱然超悟。更于悟外别立生涯。不存窠臼。岂堪向生死岸畔札脚。或纤毫不尽。未免复为胜妙境缘。感在那边。起诸异想。虽曰晓了。其实未然。惟有痛以生死大事为己重任者。死尽偷心。方堪湊泊直下。傥存毫发许善恶取舍爱憎断续之见。则枝叶生矣。可不慎乎。

示众。慧剑单提日用中。天然元不犯磨砢。神号鬼哭丧魂胆。遍野横尸不露锋。古人与么说话。已是自伤己命了也。殊不知我王库内。无如是刀。



佛成道日示众。玄玄绝待。妙妙无依。独露真常。全彰至体。名不得。状不得。雪老冰枯。理无碍。事无碍。天荒地迥。万里云收午夜。四方星灿长空。揭开威音那畔脑门。圆陀陀。光烁烁。揭瞎髑髅背后眼光。净裸裸。赤条条。勒回三万劫。风飞雷厉之威机。突出五千轴。海涌云屯之寢语。大众。释迦老子来也。即今在诸人眼睛里仰见明星。顶领上成等正觉。你诸人还觉眉毛动也无。如其未委。各请归堂。

与大觉长老书曰。古人于法嗣嫡传。所以深明宗系者。大法原委。不可诬也。世漓俗薄。奉金请拂。以院易嗣者有之。某尝痛心于此。夫大觉虽先师开山。然十方丛林。尽有尊宿。舍彼不取。而必欲某尸之。何识量之不广也。某非畏住持。实畏嗣法于开山也。故退避力辞而举足下。以足下自师一山禅师。岂可徇世俗而易其所师哉。或欲徇俗易嗣。则某断然不敢与足下一日相聚也。

(大觉。泰定叟也。皇庆间。请师住大觉。师力辞。举定叟应命。叟尝印证于一山万和尚。后复参。师乃拈香欲嗣师。师以是书却之。令嗣一山。)

至治癸亥八月十五。说偈辞众曰

我有一句。分付大众。

更问如何。无本可据。

置笔安坐而逝。建塔于本山之西冈。

天历二年。来谥智觉。塔曰法云。来虞文靖公集为之铭

元统二年。赐广录三十卷入藏。号普应国师。

(高峰妙嗣)

○杭州天目断崖了义禅师

德清汤氏子。年十七。闻禅者诵高峰妙上堂。举欲穷千里目。更上一层楼语。乃曰。此大善知识。必能为人拔钉去楔。遂往参谒。侍妙于死关。妙令看万法归一话。因名从一。他日妙为众举牛过窗棂话。师闻益疑。日夕体究。偶过钵孟塘。见松枝坠雪有省。诣妙呈颂曰

不问南北与东西。大地山河一片雪。

声未绝。妙痛棒打出。不觉陨身崖下。崖悬壁立。人意其必死。同学扞萝接磴以救之。师若不知。乃立誓七日取证。未至期。豁然大悟。复驰至死关。大呼曰。老和尚今日瞒我不得也。复说偈曰

大地山河一片雪。太阳一照便无踪。

自此不疑诸佛祖。更无南北与西东。

妙乃上堂曰。山僧二十余年。布漫天网子。打凤罗龙。不曾遇得一虾一蟹。今日有个螭蜃虫。撞入网中。固是不堪上眼。三十年后。向孤峰绝顶。扬声大叫。且道叫个甚么。举拂子曰。大地山河一片雪。

师谓同学曰。尽大地有一人。发真归元。从一皆知之。妙闻。叹其俊快。

寻回省亲。乃奉母入武康上柏。结茅以居。人见其混俗。罔测其意。后还山见妙。妙曰。大有人见你拖泥带水。师曰。两眼对两眼。遂为剃落。改名为义。妙既示寂。师益韬晦。颓然居下版。四众累请。勉住师子正宗禅寺。

元统元年岁除日。谓侍者曰。有一件事天来大。你还委悉么。良久曰。明日是年朝。正月六日。诣法云塔西。指空地曰。更好立个无缝塔。其夕与禅者谈笑如平时。至夜分。乃曰。老僧明日天台去也。者曰。某甲随师去。师曰。你走马也趁我不及。翌旦跏趺而化。化之日。雷砰雨射。白昼晦冥。及葬。雪华缤纷。林木缟素。送葬者数千人。悲动山谷。初中峰示寂。会葬斋次。师谓众曰。后十二年。更为老僧一会。众未深信。至是始验。

敕谥佛慧圆明正觉普度禅师。

(天目妙嗣)

○大觉布衲祖雍禅师

宁海人。侍高峰妙最久。躬自舂爨。貌甚黑瘠。慧而少文。后首众。提唱超卓。迨妙迁化。众请中峰本居大觉。本力辞。推师主之。

山居偈曰

就树缚茅成屋住。拾荆编户傍溪开。

是他懒瓚无灵验。惹得天书三度来。

后于中竺桂子堂书偈。跏趺而逝。

(天目妙嗣)

○处州白云空中假禅师

得法高峰。栖白云山。四方禅衲闻风来赴。屨满户外。至元丙子夏。一日援笔书偈曰

地水火风先佛记。掘地深埋第一义。

既免檀那几片柴。又省人言无舍利。

书毕坐化。

(天目妙嗣已上四人)

○般若绝学世诚禅师

示众曰。有志之士。趁众中柴干水便。僧堂温暖。发愿三年不出门。决定有大受用。有等才作工夫。觉得胸次轻安。目前清静。便一时放下。作偈作颂口快舌便。将谓是大了当。误了一生。可惜前来许多心机。中途而废。三寸气断。将何保任。众兄弟。若欲出离生死。参须实参。悟须实悟始得。

(灵云定嗣)

○杭州径山竺远正源禅师

欧阳文忠公之裔。世居南康。年二十七。剃染受具参方。首谒虚谷陵。陵举龙潭吹灭纸烛话。师曰。焦石可破层冰。陵

曰。破后如何。师曰。探索乃知。陵曰。所知者何事。师拟对。陵劈脊便打。师悚然喻旨。住径山。赐号佛慧慈照普应禅师。

(径山陵嗣)

○婺州宝林桐江绍大禅师

严州吴氏子。世居桐江。因以为号。参虚谷于径山。佩服心印。遍游江湖。一日慨然叹曰。吾今而后。乃知法无异味也。遂罢参。手翻大藏凡三过。内外学咸通其旨。

至顺壬申。出住郡之乌龙。后迁云黄宝林。一时法会。号称极盛。一日示疾。鸣钟集众叙谢众请偈。师接笔掷地曰。纵书到弥勒下生。宁复离此。悠然坐化。闍维舍利如紺珠。齿牙不坏。

(径山陵嗣已上二人)

○汝州香岩无闻思聪禅师

香山人。初参独峰。次见淮西无能教。示无字话。一日晤同参敬上座。敬问你六七年来。有甚见处。师曰。每日只是目前无一物。敬曰。你者一络索。从甚处来。师罔然。问曰。毕竟明此大事应作么生。敬曰。不见道要知端的意。北斗面南看。说了便去。师被一撈。直得行不知行。坐不知坐。五七日间。不提无字。倒只看要知端的意。北斗面南看。偶到净头寮。与众同坐。疑情不解。有饭食顷。顿觉胸次轻清。情想破裂。目前人物。一切不见。省来通身汗流。遂见敬。敬举扇曰。速道速

道。师遽曰。举起分明也妙哉。清风匝匝透人怀。个中消息无多子。直得通身欢喜来。自此下语作颂。都无滞碍。及至向上一路。又不得洒落。乃入香岩山过夏。单提无字。一日不觉身心如一座屋。倒却四壁一般。无一法可当情。值铁山琼和尚。从高丽回至石霜。师往见。琼问何处人。师曰。汝州。山曰。风穴祖师面目如何。师将二十年工夫。通说一遍。琼把定咽喉问如何是无字。师曰。近从潭州来。不得湖北信。琼曰。未在。更道。师曰。和尚几时离高丽。琼曰。未在。更道。师喝一喝。拂袖便出。琼曰。者兄弟都好。只一件大病。我发明了。师闻而感激。因求决择。复入光州山中。前后十七年。方得颖脱。

示众。法无定相。遇缘即宗。秉金刚剑。吞栗棘蓬。截断衲僧舌头。坐却毗卢顶颈。竖一茎草。作丈六金身。将丈六金身。作一茎草。直教寸丝不挂。月冷秋空。寒灰发焰。到者里唤作佛法。入地狱如箭射。不唤作佛法。亦入地狱如箭射。诸仁者。毕竟作么生会。不见船子和尚道。藏身处没踪迹。没踪迹处莫藏身。虽然恁么。正眼观来。尽是闲家具。衲僧分上。料掉没交涉。

(铁山琼嗣)

○湖州福源天湖石屋清珙禅师

苏州常熟人。族姓温。首参高峰。示万法归一话。服勤三年。无所发明。因至建阳庵。参信和尚。问何来。师曰。天

目。信曰。有何指示。师曰。参万法归一话。信曰。汝作么生会。师无语。信曰。此是死句。什么害热病底。教汝与么。师拜求指的。信曰。有佛处不得住。无佛处急走过。意旨如何。师不契。信曰。者也是死句。师不觉悚栗汗下。

一日入室。信再理前话。师曰。上马见路。信呵曰。汝在此几多时。犹作者个见解。师发愤而去。中途忽举首见风亭。豁然有省。遂返。语信曰。某甲今日会得活句也。信曰。汝作么生会。师曰。清明时节雨初晴。黄莺枝上语分明。庵领之。后辞去。信门送之曰。他日与汝同龕。

广教府驰檄请住当湖福源。师坚卧不起。往返至再。师勉强就。入院上堂。把住也锋铍不露。放行也十字纵横。水云深处相逢。却在千峰顶上。千峰顶上相逢。却在水云深处。今朝福源寺里。开堂演法。昨日天湖庵畔。垦土耕烟。所以道法无定相。遇缘即宗。可传真寂之风。仰助无为之化。正与么时如何。拈拄杖卓一下。九万里鹏才展翼。十千年鹤便翱翔。

上堂。一身清淨。则多身清淨。一世界清淨。则多世界清淨。东司头臭气。佛殿里篷尘。且道从什么处得来。以手掩鼻曰。又是一点也。

上堂。所闻不可闻所见不可见。昨夜五更风。吹落桃华片。苍苔面上生红霞。百鸟不来春烂熳。

至正间。朝廷降香币。皇后赐金襴法衣。有闻天湖之风。吟天湖之诗者。莫不心爽神慕。以为真得古先德遗型。

一日示微疾。遂集众诀。众请后事。师索笔书偈曰

青山不著臭尸骸。死了何须掘土埋。

顾我也无三昧火。光前绝后一堆柴。

书毕。掷笔而逝。阇维舍利五色。塔于天湖之源。及庵塔右麓。果符同龕之讖。

高丽国师大古愚公。尝侍师得旨。王闻钦渴。表达朝廷。敕谥佛慈慧照禅师。仍乞移文浙江。请师舍利归国供养。

(道场信嗣)

○杭州净慈平山处林禅师

本郡仁和王氏子。十七受具。辞母参方。母为治装。越数日复还。母诫之曰。大凡学道。当持不退转心。何趑趄乃尔耶。师遂痛自警策。溯涛江。谒及庵信于金华。信一见器之。留居侍司。一夕。信捻纸沁膏以代烛。举示师曰。龙潭吹灭。汝作么生。师方拟答。信遽以手掩其口。从此悟入。信迁道场。命典藏钥。未几秉拂升座。机如瓶泻。众咸慑伏。

洎信示寂。往依虚谷陵于仰山。居第二座。

临终。更衣沐浴。集众说偈而化。来谥普慧性悟禅师。

(道场信嗣)

○婺州罗山正觉石门至刚禅师

世居山麓。得法于及庵信和尚。游历罢归里。里人即其



地营建宝坊。文其楣曰。正觉。

小参。踏翻生死海。涓滴不留。推倒涅槃城。纤尘不立。且是不劳余力。如壮士挥戈。锋铍不犯。如人善射。毫发无差。自然处处逢源。头头合辙。不假修证。本自圆成。尽大地是胜妙觉场。遍法界是真如实地。悟取人人有分。了知个个无亏。一念不生。入三摩地。一尘不动。转大法轮。自利利他。俱登彼岸。全身放下。总得自由。到者里说甚涅槃生死。真如佛性。了无一法当情。直得十方坐断。击拂子。见彻本来无隐蔽。纷纷桂子散天香。临终诀众偈曰

七十六年。了然宽廓。

拶破虚空。须弥倒卓。

(道场信嗣已上三人)

○杭州海门天真惟则禅师

吴兴费氏子。谒楚石千岩无见无闻诸大尊宿。因缘不契。后之匡庐。遇无极源和尚。亲炙之。源终日不语。无所启发。一日值源如厕。师急趋前问曰。如何是祖师西来意。源擒住曰。道道。师豁然顿悟。

洪武初。诏征天下高僧赴京。天界住持西白金公。首以师名荐。俄以足疾请归。一日侵晨告众。瞑目而逝。茶毗获舍利无数。顶骨牙齿舌根不坏。

(匡庐源嗣)

○台州华顶无见先睹禅师

本郡仙居叶氏子。因白云度问西来密意。未审如何。师云。待娑罗峰点头。即向汝道。

介庵进颂曰

小姑临嫁索根由。嫂对归时向汝酬。

待到归来问端的。半含笑语半含羞。

示众。风冷冷。日杲杲。薷卜华开满路香。池塘一夜生春草。堪悲堪笑老瞿昙四十九年说不到。阿呵呵。拍禅床下座。

示众。若论此事。一大藏教。詮注不及。天下老和尚。拈提不起。直饶有倾湫之辩。倒岳之机。到者里一点也用不著。诸仁者。饥则吃饭。困则打眠。热则乘凉。寒则向火。——天真。——明妙。何得踏步向前。论禅论道。将鱼目为珠。认橘皮作火。不见道大机须透彻。大用须直截。不识东家孔丘翁。却向他邦寻礼乐。卓拄杖下座。

元统甲戌五月望日。遗书谢道侣。说偈跏趺而逝。闾维白乳如注。舍利凝结。成五色彩。瘞于所居之西。来号真觉。塔曰寂光。

(瑞岩宝嗣)

○庆元松岩秋江元湛禅师(传灯正宗误入未详卷)

久从龙象游。后参瑞岩宝和尚得旨。后游松岩。爱其清胜。不忍去。遂趺坐石上。俄有二虎踞坐其侧。若护卫状。师